



Setho se ratehang sa SAMRO,

Re sa tswa qeta ka dikopano tsa dipuisano tsa Tafoleng ka hara ditsi tse tharo tse kgolo ka hara naha – Johannesburg, Cape Town le Durban – moo re neng re buisana, jwalokaha re dumellane, ka ditaba tse lokelang ho fetolwa ka hara Melao ya Botho, Melao ya Kabo le Melao ya Lekgotla la Balaodi.

Jwalokaha o tseba, dikgweding tse robong tse fetileng, re qadile ka tshebetso ya phetoho ya bohlokwa mona SAMRO. Taba eo re e shebileng ke tlhabollo ya leano le ho ntlafatsa tshebetso ya tlhahiso le bohlohlwa, jwaloka ho thehwa ha lefapha tse reretsweng ho kgetha le ho potlakisa kabo ya ditsiane tse se nang ditokomane. Melao yohle ya botho ha jwale e lekolwa botjha mme mona ho kenyeletswa le melao e amanang le botho ba lekgotla la SAMRO.

Ka hara lengolo lena ke rata ho hlahisa ka bokgutshwanyane tjhebokakaretso ya ditaba tseo ho buisanweng ka tsona dikopanong tsa tafoleng le tlhahiso ya katleho e lebeletsweng ho tloha mona ho tswela pele.

Tekolobotjha ya leano eo SAMRO e e etsang, ho ya ka melao ya kabo, e kenyeletsa ho lekola botjha melao e laolang ho balwa ha ditsiane tse amohetsweng bakeng sa tlhophisetso ya mmiso wa bodumedi le wa botjhaba oo e leng karolo ya setjhaba (mesebetsi e tsejwang ka hore ke mesebetsi ya “DP”). Mosebetsi wa mmiso o hlophiswa e le “DP” ke SAMRO haeba o sa abelwa tokelo ya kgatiso mme e le karolo ya setjhaba (*domaine publique*, DP). Kgahlano le diphelelo tse ngata tse kgelosang tsa bophatlalatsi, DP ha se motho empa ke mohlwai wa wa tshebetso e le ho hlophisa mesebetsi eo e leng karolo ya setjhaba.

Molao ona wa tlhophiso ha jwale o ananela seabo sa 16.7% sa tsiane sa tokelo ya kgatiso bakeng sa karolo ya mesebetsi oo mohlophisi a o entseng ka hodimo ho mesebetsi wa setjhaba wa sethatho. Phesente ena e abelwa motho ya hlophisang mesebetsi wa DP. Masalla a 83.3% a seabo sa tsiane ao e ka beng a eketsehile bakeng sa tlhophiso e setseng haeba karolo ya DP e ne e na le tokelo ya kgatiso e kgutlisetswa morao mme e abelwa mesebetsi yohle e hlwahlwa ya mmiso eo e leng ya ditho tsa SAMRO ho kgema le tshebediso ya mmiso wa bona nakong e lekolwang botjha.

Mohopolo mabapi le molao ona ke hore ho ne ho sa tlo kgotsofatsa hore mohlophisi wa mmiso a fole molemo ho tswa ho 100% ya ditsiane hobane o sebedisitse mmiso wa motho e mong e le motheo mme yena o bile le seabo ho karolwana ya tlhophiso e ntjha. Ditsiane ha di bokellwe kapa hona ho leshwa bakeng sa mesebetsi eo eseng ya tokelo ya kgatiso / mesebetsi ya karolo ya setjhaba. Ka tsela e jwalo, ditlhophiso tse fanang ka laesense tsa SAMRO di lokiseditswe feela mesebetsi e tshireleditsweng bakeng sa tokelo ya kgatiso ya ditho tsa ona.



Molao o akaretsa dikarolo tse latelang bakeng sa ho thehwa ha ona:

Mantswe – 33.33%

Molodi – 33.33%

Qapo – 33.33% (arola hape ka 16.7% bakeng sa Sebopeliso le 16.7% bakeng sa Tlhophiso).

Ka tsela e jwalo, ha tlhophiso e ntjha e etswa, ke feela karolo ena ya 16.7% e leng “ntjha”. Hona ha ho a fapana haholo le tshebetso ya matjhaba ya ditlhophiso tsa DP moo phesente e abelwang mohlophisi e lekanyeditsweng pakeng tsa 12.5% - 25%, ho ya ka naha.

Maemong ao a jwalo, SAMRO e a amohela hore molao ona, le hoja o sa tlole molao, o loketse ho lekolwa botjha ke botho e le ho ba le sekgahla se tshwanelehileng se amoheleheng ya etsang qeto ya “hlabolla” pina e tlwaelehileng ya botjhaba eo ha jwale e seng e le ka thoko ho tokelo ya kgatiso. Ditho tsa SAMRO, nakong ya dikopano tsa tafoleng, e ile ya sebetsa ka bokgabane tabeng ena mme ho amohelehile hore phesente e leshwang e lokela ho eketswa ho tloha ho 16.7% ya hona jwale.

Dtabata tse ding tsa bohlokwa tseo ho buisanweng ka tsona dipuisanong tsa tafoleng e bile:

- nolofatso ya mekgahlelo ya botho,
- ho utlwisisa mekgwa ya pehelo ya botho,
- ho hlakisa menyetla ya setho,
- tlhahiso ya balaodi ba bang ba ikemetseng ba lekgotla,
- diphelelo tse sa lekanang tsa tshebediso ya mmimo ke basebedisi ba mmimo,
- Bili ya Diphetoho tsa Tokelo ya Kgatiso eo ha jale e lekolwang botjha,
- boitlamo ba SAMRO bakeng sa phetolo e tswelang pele,
- lehokela pakeng tsa ditekanyetso tsa mmimo wa ditaba tsa lehae ho dikgaso le dikabo tse phahameng haholwanyane tsa ditsiane tsa lehae, le
- tlhoko ya ho ba le seabo se ekeditsweng sa ditho e le ho etsa bonnete ba kamoo SAMRO e sebetsang ka teng le seabo sa yona ka hara tshebetso ya naha e kholwanyane ya mmimo.

Ke ka bomadimabe re hlokomelang hore ditherisanong tsa tafoleng tsa mane Johannesburg tse bileng teng ka Mantaha wa la 23 Mmesa 2018, sehlopha seo eseng ditho tsa SAMRO se lekile ho itshohlometsa ka hara kopano e neng e lokiseditswe ditho feela. Ho dumelwa hore tlhokeho ya kutlwisiso ya seabo seo SAMRO e nang le sona ka hara indasteri ya mmimo e ne e le sesosa sa dibini tse ngata tseo eseng ditho di batle ho kena ka hara kopano. SAMRO ke motsamaisi wa mmimo o nang le tokelo e ntseng e sebetsa ya kgatiso e sebediswang ke ba nang le dilaesense, empa e tadingwa haholo le ka phoso e le setheo se bohareng se nang le boikarabelo bakeng sa leano le ditaba tsa moruo wa setjhaba ka hara indasteri ya mmimo. SAMRO e a dumela hore e na le hona ho ba le seabo mabapi le sena, empa ho molemo ho lemoha hore thomo ya SAMRO e dutse e lekanyeditswe ditho tsa yona feela le ditaba tsa yona tse amang tokelo ya kgatiso, mme ka ho qolleha tokelo ya tshebetso ya setjhaba bakeng sa boiqapelo. Hona ho bolela hore ditaba tse amang dikontraka tsa ho etsa dikgatiso, tshwaro



e leeme pakeng tsa dibini ka kakaretso esita le ditsiane dife kapa dife tsa dibini jwaloka batho ba bonono le ditjhelete, di beheletswe thoko ho thomo ya SAMRO.

Le hoja sehlopha sena se ile sa tshosa le ho hlekefetsa basebetsi ba SAMRO mmeleng mme sa ba sa tshosa ka hore se tla tjhesa moaho wa SAMRO House, lekgotla la SAMRO le botsamaisi le ile la dumella sehlopha sena le ntse le le hlokolotsi hore e be bashebelli feela. Ke ka maswabi hore sehlopha sena ha se a ka feela sa senya empa se ne se bile se ikemiseditse ho ntshetsa pele ditaba tse tshwaetsang tse se nang bopaki tsa SAMRO tse nnileng tsa potoloha ka hara diphatlalatsa matsatsing ana. Ditho tse mmalwa tsa SAMRO di ile tsa tsamaya esale pele ka lebaka la ho tshwenyeha ka polokeho ya tsona.

Ke rata ho kopa tshwarelo ka boikokobetso bohle ho ditho tsohle tsa SAMRO tse teng tse ileng tsa ikutlwa di tshositswe haholo mme ke rata ho toboketsa hore ditshoso tsa dikgoka kgahlano le SAMRO le basbetsi ba yona, ekaba e bakwa ke basebetsi kapa bao eseng basebetsi, e ke ke mme ebile ha e na dumellwa.

Ke rata hape ho leboha basebetsi ba SAMRO ba ileng ba thusa ho laola maemo ana a kotsi.

Sehlopha sa phethahatso sa SAMRO ha jwale se bokella ditlhahiso tsohle tsa ditho mme se kgothaletsa ditshisinyo tse ding hape dife kapa dife ho romelwa ho marketing@samro.org.za.

Ditshisinyo le dikgothaletso di tla hlahiswa ho botho ba SAMRO kopanong e ikgethileng eo eseng ya tlwaelo ka Phupjane 2018, moo ho hopolwang hore melao e metjha e tla amohelwa e bontshang boikemisetso le ditakatso tsa bohlokwa ka ho fetisisa tsa ditho.

Ke rata ho qetella ka ho re re kopa hore le re ahlole ho ya ka diketso tsa rona le hore le sebetse hammoho le rona ho etsa bonnete ba hore melao ya rona ha e na leeme mme e sebetsa ka ho lekana ebile e senola ditlhoko tsa ditho tsa rona. Re rata hore le tsebe hore re mona ho le hlahisetsa menyetla mme re tla etsa bonnete hore bikemisetso bona bo laola diketso tsa rona le diphetoho tseo re batlang ho di etsa.

Ka ditumediso

Nothando